

豫

章

焚

書

第八冊

六松堂詩集卷三

寧都曾 燦青藜著

七言古

雪

雪映中庭光綻玉花摧香隕誰家屋飛絮梨雲吹又
來近林斜對疎疎竹千山山上山山白長天流水光
無色大漠高寒起重陰一夜江樓凍成碧

七憂詩

憂鬱憂鬱復憂鬱九月九日虔州客滿院風吹梧葉
黃寒江浪擁蘆花白天邇遊人各一方病子何須空

斷腸吾今爲汝嗟離別何以報之歸來疾

憂鬱憂鬱復憂鬱楓林夜嘯魂何極明月無緣照海棠西風有淚辭棠棣十六年來不可違天涯異地各相依人生憂樂皆如此何必區區問生死

憂鬱憂鬱復憂鬱但見干戈與盜賊犬羊天下已成羣狐鼠如今終滿國一片山頭一片雲飄然何處可藏身老此一生無山水寧堪草木同腐死

憂鬱憂鬱復憂鬱徧地戈矛成荊棘中原胡馬滔波濤挽盡天河洗不得東方君子旌旗開西南田野尙誇萊聞說聖人今在上社稷安危將與相

憂鬱憂鬱復憂鬱吾母悲傷更何極一聲阿子病何
如枕上淚痕破顏色父母恩深終難報蒼天有恨同
秋草紛紛世界盡亂離安得一邱偕親老

憂鬱憂鬱復憂鬱吾病輾轉心悲戚曉吹紙帽顫霜
寒夜破西窗冷風逼勞勞踐跋鬚已星天心不解病
愁人寧知一世皆由命追思往事空經營

憂鬱憂鬱復憂鬱寒雨蕭蕭枯樹濕天地猶然有晦
明人間了不知南北胡爲胡爲我悲傷人生如寄空
傍徨哀哀廬墓年年在松柏寧有千歲長

同諸子游黃竹砦感興分得興字

黃竹截天高萬仞巉巖削出雲生磴三年烽火未曾
休一代亭臺不肯廢燕雀悲春戀故枝猿颺依草迷
深徑可憐瓦礫葬黃金松柏依然起後興

三巘峰送彭躬菴歸南昌

峰頭望城城歷歷煙波蒼茫動寒石昨夜風雨破山
窗江水至今深幾尺可憐放棹此中行作客不歸歸
似客篙師借問去者心愧我指囷與推宅

王電輝將軍輓詩

延秋城門啼白鳥辛卯之歲來蒼梧天子親駕驂
駒倉皇出狩焚爨都百官咋舌聲含胡誰肯獨爲王

前驅降城將盡山海隅大者爲官小者奴將軍慷慨
建祀姑手提屬鏐振鐔于恩平千里山鬱紆猶是中
國聖人區自從十載握銀符鐵騎不敢長覬覦李衛
爭蹈通天臺八月浮江過鴈湖嬰圍一載庚癸呼誰
是辛讜能轉輸將軍脫下青珊瑚熊湘閣上空踟躕
自言布衣荷天衢貂冠間瑤明光珠天子錫之弓矢
旅專征豈敢愛其軀衣冠容與挈妻孥南面稽顙臣
當誅黃硫白硝紛堂除應時火舉雷電趨發屋飛棟
蟠太虛瓦甃紛拏雜頭顱嗚呼世間忠義事多有不
見夫婦一十八人死與俱

贈別余生生歸四明

勇士不怯死智者不倍時丈夫作事豈因人寧可磨
劍不磨雖君爲肅敏之孫子乾元宮殿承恩旨入執
金吾出諸生或文或武真奇士陰霾晝晦融日月棄
官浮家來東浙我聞節義在此方欲往從之路阻絕
何意同君嶺之南君年乃過五十三氣豪不覺老將
至一飲百杯酒乃酣醉繞樓園大呼急忽上高樓踰
窗立歛歛跳躑能千迴座中少年皆不及興盡更闌
各分賦君遂先成龍鳳句生有座瞻龍鳳齋詩句如聞壯上刀
劍聲秋風一夜起邊戍君今此日歸去來山水人文

好徘徊爲弔越中六千君子墓何在勿令高者爲谷
卑者爲崔嵬千古而下國士心以灰

題顧東山白綾帳簾

咫尺忽然生秋水照見堂前三子機上流黃初織
成齊紈魯縞不能比亂世能爲天下惜巾之綃帳裏
多美明月江風掠骨寒衾裯如在雲中起安汝神明
息汝躬天地闢振亥與子董生蛟龍已唾餘莊周螭
蜺亦塵滓君今飲酒笑且歌劍弛懸纓斷案几裂帳
分作袴與襦請從今日四十始

東山值四
十初度

羊城歌

羊城樓上鼓聲急羊城樓下兵馬入西風刁斗徹夜
驚滿城兒女皆垂泣一望煙塵盡不開火光風勢如
崩雷馬上折箠跨寶刀一騎驅鹵百人來白梧黑索
滿阡陌男在東頭女在北但聞男兒號哭聲不見婦
人憔悴色可憐妻子屬他人更苦無錢贖一身田園
園去作王庄華屋一朝成灰塵艱難留得餘生在甌
石已空賦不改正供錢穀萬難輸官吏私派百十倍
征符忽下王師徂老幼壯丁爲役夫鞭撻骨肉血滿
野樓船高會吹笙箏吁嗟羊城億萬戶半銷鋒鏑半
征賦白日陰風天欲寒蕭條間巷無歸路

述舟中

蕭山縣裏一舟渡
衰草寒城天欲暮
爲語篙師且忍飢
我欲黃昏望翠微
十年心愛山陰道
滅燭看山識
山好川橋行路凡
幾灣夜盡無人獨
往還

贈韶州傅竹軍

鳳凰一毛落天上
曲江江側雲浪浪
春風又向金城吹
使君兩地爭相望
潮陽海鄉物多怪
惡溪鱸魚昔所載
寧知起陸徧魚羊
比來食人恣吞噉
衙推沈文原不識
槌鼓戮市勢無力
解免乞取費殷勤
幸借鄰丞二千石
微書日下牛毛集
吏城走藏兒女泣
忽聞

府牒下免征歡聲却較馬蹄急丈夫一爲蒼生耳濡
焚出溺情如此何事解風吹且長便微嶺南嶺北水
故人爲返武頭麓欲借官槽騎四足憑君旅店市烏
鄉奴飯馬芻堪陸續嗟予風塵絕潦倒欲上赤城探
芝草長揖起辭謝區區先爲潮民珍重好

贈周計百司理報績詩

延津美人騎赤豹繡節花旗發嶺嶠稻芒千里無沈
冤鐵柱峩冠絕鷹鷂下車犴狴草蔭蕭蕭燭龍照天銷
夜哭亭疑絮令掠蒲鞭十二城碑口歷錄曾憶橫浦
歸來日荆頭諸嶠淵藪密按韻比聲作謳歌角寒霜

重月欲出長寧峒
蠻蹙沙走路埋渠谷
截山口背草
凌風駐柘桑
短翎已着敵人手
裂布作旗高
擗鼓桃花縹甲
溪頭舞漆灰
骨末赤
燐燐百里鬼燈照寒土
山狒飛沙巉巖立
官軍殺伐不得入
獨有使君騎馬來
稅介褫繡伏鞍泣
公未來時我作賊
公既來時天與直
建犢春田事
土膏山塋已見稻
花碧鳴呼宣德
孔鏞事聞寂
獨追驟騎同
烜赫

病中送溫聞衣同周計百司理奏最京師時予

有外侮

我從燕趙歸
君從燕趙去
荒山日夕狐狸鳴
何當作

客橫門路不畏太行山雪盛短裋內手坐凌兢不畏
黃河水川塞面起峰嶽中塞嘿橫琴在膝病難彈野
雀羣欺噪口乾青絲絡頭黃金勒聞君走馬向長安
主人挈客朝京日維陽治平原第一少年未便害東
陽鬼神早欲論宣室朝辭筵宴五侯家幕宿平康趁
落花忽聽城烏啼曉日陳遵相索去投車吁嗟溫生
意氣何所負不須擊幘高墜地謾行酒早過市頭爲
我問屠狗頗憶菰蘆窮士不鼓刀鳴鞘試施取何如
借我床頭莫令鬼夜吼

贈闕明府

君不見春陵守官能退賊徵求失限甘詔責又不見
鄴城巫祝治齋宮西河變俗簪筆中冰玉爲心鐵作
骨不罪而化鷹鷂空使君下車無幾日讞獄能鉤大
宵宅山頭吹火陰風鳴髑髏無冤銷夜泣倪寬原不
急民租牛車擔負未曾餘始知天下神明宰不言不
動直何如

壽李儲孕先生七十有一

少年翁號文章伯諸弟相從聲烜赫五十六天步
艱弟能遵晦兄能恤百里荒田公稅逋官吏到門恣
誅索當時十室九室空翁獨一身任怨責我於翁誼

忝南宮卅年以來承問席唯翁進德如白圭我願師
之遠刑辟禮云七十老而傳令子於今始受室他年
下詔求遺老海內爭傳卓褒德

送徐受果辭親歸里

城頭鼕鼕擗曉鼓雞人傳報天欲曙堂上披衣起戒
裝僕夫悵望行人苦江南投筇日不休熬炙大豪如
磔鼠至今徒杖爲鸞麟日見詩書變塵土鄞江之水
清復清鑑人毛髮濯心腑鳴琴馴塵靜無言白日高
高照官署羨君文章似韓陵羨君騷賦真屈楚君家
門閭似于公君家兄弟稱繡虎我來三月秋風寒窗

外桂花落如雨此地幸無官家程何爲拜別高堂去

桂花

汀署有老桂數株花開時香聞數里一夕風
雨大作零落委土壤中及霽復發更盛於曩
昔復爲采花人持斧伐其幹
花遂盡撫今追昔感慨係之

萬里天青懸素練蟾光鎖玉垂空碾綠葉桂花團露
寒纖阿美人開芳殿皓腕明眸金雀釵銀泥玉暈蛺
蝶堆忽聞鸞珮迎風入知是壽靈壇上來壇上如今
桂子墜蒼苔月浸秋容醉獨留一樹在人間千年不
上蝦蟇背點點黃雲似綴星天香斷續排空庭涼風
雁叫湘神遠酹酒天南憂玉笙白雀銜書黑蜩舞臥

龍山下搖官署滿地落花襯苔錢誰遣香魂葬塵土
雲散雨收天色光桂花又發淋池傍其氣直可上天
去豈特十里聞空香滄海微塵何足數興亡原自如
機杼牆外丁丁伐木聲白日吳剛動刀斧

贈別姜奉世

西風瑟瑟吹庭院臥病寒窗對書卷與子雖然隔一
城似無三日不相見二月扁舟到蘇臺桃花飛盡榴
花開至今梧桐看又落游子何曾歸去來

再別姜奉世

天涯夜夜看貂裘藉汝殷勤慰我愁記得汝陰握手